


天津府志第一函


教育部圖書室

22.62/012
1035.073
:4

4



Kodak Color Control Patches



重修天津府志卷七

歷朝郵政

義舉附

漢

武帝元鼎二年渤海郡被災民餓死於道路詔賑

救漢書

成帝鴻嘉四年正月詔幽冀等部水旱為災遣使
者循行郡國被災十四以上民貲不滿三萬勿出
租賦逋貸未入皆勿收秋渤海清河河溢被災者

賑貸之同上

和帝永元十六年二月以冀州等比年雨多傷稼



紀七

2270404

遣三府掾分行冀州等貧民無以耕者爲雇犁牛

直後漢書

安帝永初元年正月稟冀州等處貧民

順帝永建二年二月詔稟貸冀州等流冗貧民所
在安業之

永建六年冬十一月詔連年災潦冀部尤甚其令
冀部勿收今年田租芻稟

陽嘉元年二月以冀部比年水潦民食不贍詔案
行稟貸勸農功賑乏絕三月復稟冀州尤貧民勿
收今年更租口賦

桓帝永興元年秋七月郡國三十二蝗河水溢百
姓飢窮流冗道路冀州尤甚詔所在賑給乏絕安
慰居業

永壽元年二月冀州等饑人相食敕州郡賑給貧
弱若王侯吏民有積穀者一切貸得十分之三以
助稟貸

永康元年八月渤海海盜詔州郡溺死者七歲以
上錢人二千一家皆被害者悉爲收斂其亡失穀

食稟人三斛俱同上

魏

文帝黃初二年冀州大蝗民飢遣使開倉廩以賑
之通考

黃初三年秋七月冀州大蝗民飢使尙書杜畿持
節開倉廩以賑之三國志

黃初五年十一月以冀州饑遣使者開倉廩賑之
明帝景初元年九月冀州等水遣侍御史循行沒

溺及失財產者所在開倉賑救之同上

後趙

趙王元年十一月均境內百姓田租之半賜帛穀

有差十六國春秋

後燕

燕二年幽冀流民多入高句驪以龐淵爲遼東太

守招撫之同上

北魏

文成帝太和七年三月甲戌以冀定二州民飢詔

郡縣爲粥於路以食之北魏書

宣武帝永平三年五月丁亥詔以冀定二州旱開

倉賑恤

延昌元年四月以旱詔河北民就穀燕恆二州

孝明帝熙平元年夏四月戊戌以瀛州民飢開倉

賑恤

熙平二年冬十月庚寅以幽冀滄瀛四州大饑遣

尙書長孫稚兼尙書鄧羨元纂等巡撫百姓開倉

賑恤

孝靜帝天平三年冬十有一月戊申詔尙書可遣

使巡檢河北流移饑人邢陘滏口所經之處若有

死屍卽爲藏掩俱同上

北齊

文宣帝天保八年自夏至九月河北六州大蝗詔

今年遭蝗之處免租北齊書

武成帝太甯元年三月戊子詔給滄趙等州及司

州之清河武都冀州之長樂渤海遭水潦之處貧

下戶粟各有差同上

隋

文帝開皇十二年詔河北今年田租三分減一兵

減半功調全免通考

唐

高宗開耀元年正月己亥免河北等處一年調唐書

永純元年八月丁卯以河北大水遣使賑乏絕室

廬壞者給復一年溺死者贈物人三段同上

元宗開元五年免河北蝗水州今歲租通考

代宗廣德元年七月壬子改元給復河北三年唐書

憲宗元和十三年六月癸亥給復滄景等州一年

文宗太和三年五月辛卯給復滄景等州一年

開成五年六月以河北等處蝗疫除其徭俱同上

宋

太祖建隆三年七月辛巳遣從臣十人檢河北旱

宋史

太宗雍熙四年正月蠲河北雍熙三年以前逋租

真宗咸平三年正月庚寅河北民被焚掠者復其

租

咸平四年秋七月庚午以河朔餽運勞民詔轉運

使減徭役存恤閏月庚寅河北饑蠲賦減役發廩

賑之

咸平五年四月丙戌賜深霸九州民租有差五月

乙巳蠲天下逋負

景德元年十二月丁亥遣使安集河北流民壬辰

詔河北民經蹂踐者給復二年甲午車駕發澶州

大寒賜道旁貧民襦袴戊申詔恤河北傷殘

景德二年正月振河北饑

景德三年二月乙亥詔河北振乏食客戶是歲河北饑振之

天禧二年正月壬寅振河北饑

天禧三年八月庚戌遣使撫恤河北水災

仁宗天聖四年夏四月壬子詔河北平穀價六月丁酉詔河北被水民田蠲其租振河北流民過京師者

天聖六年四月丁丑詔河北流民復業者復是年租賦八月乙丑詔免河北水災州軍秋稅九月甲辰詔河北災傷民質桑土與人者悉歸之候歲豐

償所貸

天聖七年二月癸巳募民入粟以振河北是歲河北水遣使給其家緡錢

天聖八年三月詔河北被水州縣毋稅牛

明道二年遣使安撫河北除民租

慶厯八年九月戊午詔三司以今年江淮漕米轉給河北州軍十一月出內藏錢帛賜三司買粟以濟河北流民

皇祐元年正月乙未詔以緡錢二十萬市穀種分給河北貧民二月戊辰以河北疫遣使頒藥六月

甲子蠲河北復業民租賦二年冬十一月丙申詔河北被災民八十以上及篤疾不能自存者賜米一石酒一斗

皇祐二年十一月丁卯河北水詔蠲民租出內藏錢四十萬緡絹四十萬匹付本路使措置是歲芻糧

皇祐四年河北等路水蠲河北民積年逋負

嘉祐元年六月辛未免河北等處被水民賦租戊寅遣使安撫河北七月丙戌賜河北流民米壓溺死者賜其家錢有差己丑出內藏錢絹振貸河北

嘉祐二年三月戊寅賑河北被災民夏四月丁未以河北地數震遣使安撫

英宗治平四年六月乙未振河北流民

神宗熙甯二年四月甲子免河北歸業流民夏租九月戊寅出內庫緡錢百萬糴河北常平粟

熙甯三年振河北饑民

熙甯四年二月戊辰詔振河北民乏食者五月壬子詔恩冀等州災傷遣使振恤蠲其稅

熙甯七年八月辛卯除放邢洺等州秋稅十月以常平粟振河北東路流民

元豐元年八月丁未詔河北被水者蠲其租已已
詔滄州被水民以常平糧貸之

元豐二年二月乙丑滄州饑發倉粟振之

元祐二年二月丁亥遣左司諫朱光庭使河北振
民被災者

元祐八年八月壬戌遣使按視河北水災

紹聖元年三月癸巳詔振河北流民貸以穀麥種
諭使還業蠲是年租稅九月癸卯遣御史劉拯按
河北水災振饑民丁卯詔河北振恤流民十一月
丁巳詔河北振饑諸路恤流亡是歲河北水發京

都粟賑之

俱同上

紹聖元年帝以河北之民歉歲乏食流移未歸詔
給空名敕牒度牒付河北東西路提舉司召人入

錢粟充振濟

續通考

紹聖二年二月辛巳出內庫錢帛助河北振濟

宋史

元符三年五月癸巳河北饑詔帥臣計度振恤

同上

金

世宗大定二十七年六月免中都河北等路常被

河決水災軍民租稅

金史

大定二十九年秋七月減河北等路地稅十之二

重刊天津府志 卷七 郵政
下田十之三

章宗明昌三年九月諭尙書省去歲河北等被災

傷處所各租稅及借貸錢粟若便徵之恐貧民未

蘇俟豐收日以分數帶徵

俱同上

明昌四年賑河北諸路及河州饑

續通考

衛紹王大安元年十月癸丑詔撫諭中都清滄等

被兵民戶

金史

元

世祖中統六年冬河間十五處饑驗口賑之

續通考

至元五年九月癸丑中都路水免今年田租十二

月以中都河間順天等處大水免今年田租

元史

至元十二年八月免北京等路今歲絲銀

至元二十七年四月甲申以荐饑免在上都大都

保定河間平灤今歲銀俸鈔七月滄州樂陵旱免

田租十二月戊寅免大都平灤保定河間自至元

二十四年至二十六年逋租

至元二十八年九月乙巳景州河間等縣霖雨害

稼免田租乙卯以歲荒免平灤屯田二十七年田

租免大都今歲田租保定河間平灤三路大水被

災者全免收成者半

成宗大德八年正月大都保定河間等路被災免租稅四月庚子以永平清滄柳林屯田被水其逋租及民貸食者皆勿徵

仁宗皇慶二年五月真定保定河間大甯路饑並免今年田租十之三六月上都民飢出米減價賑糶保定真定河間民流不止命所在有司給糧兩月仍悉免今年差稅

延祐元年三月戊戌真定保定河間民飢給糧兩月

延祐六年十月上都民飢發官粟減價賑糶十一

月河間民飢發粟賑之

英宗至治元年十二月真定路疫河間路饑並賑之

至治二年三月河間等郡旱饑免其租之半五月庚寅河間保定等路饑發粟賑之仍免常賦之半泰帝泰定三年三月河間保定真定三路饑賑糧四月永平中山順德諸路饑賑鈔大都河間保定永平諸路饑免其田租之半

泰定四年三月河間路饑賜糧鈔有差十月大名河間二路屬縣饑並賑之

致和元年正月河間真定順德諸路饑賑鈔大都
 大名路饑並賑之二月河間屬縣饑賑之四月大
 都屬縣饑發粟賑之五月燕南河間等處饑賑鈔
 文宗至順二年五月以河間鹽課鈔賑河間饑民
 七月大都河間等災免今年田租八月復命賑糶
 米濟京城貧民

順帝至正元年二月河間莫州滄州等處饑賑鈔

俱同上

明

太祖洪武二年春正月以大軍平燕民被兵燹蠲

免北平等處田租明史

洪武六年六月免北平河間等被災田租

洪武七年六月北平等省蝗蠲田租八月賑河間

廣平順德真定饑免田租

洪武二十四年冬十月免北平河間被水田租

成祖永樂五年夏四月賑順天河間保定饑

永樂六年二月除北京永樂五年以前逋賦六月

庚辰詔罷北京不急之務以蘇民困流民來歸者

復三年俱同上

憲宗成化六年敕差堂上官二員往順天河間永

平真定保定等府災傷地方設法招撫賑濟如本處倉糧缺乏許於附近通州天津涿州保定等處倉分量給及搬運接濟其一應差徭俱暫優免

續通

孝宗宏治二年議准順天河間永平等府水災淪死人口之家及漂流房屋頭畜之家量給米有差

明史

世宗嘉靖三十二年發京通二倉米賑濟河間保定水災

穆宗隆慶四年又以水災免直隸大名廣平真定

河間秋糧有差

俱同上

官紳義舉附

按天津豪俠尙義善舉極多同治而還督府移節駐此一時文武僚佐相率以任郵爲事益振舊緒而恢大之窮民養生送死之具蓋畧備矣皆所以推廣

國家恩澤於無已也爰並其餘州縣以次增列紀後俾來者觀感興起云

天津府孤貧院在河東額養孤貧六十名

天津縣養濟院在府城外東南隅龍王廟後明巡

撫李繼貞建額養孤貧四十四名

救火會自

國初蘆商武廷豫創立同善救火會厥後人烟稠密

往往不戒於火災漸多鹽臣莽鵠立捐置救火具
津邑士民之踵而興者續立救火會四五十所努
力襄理製器具號衣備水機水桶詳立條約皆極
慎密而精嚴每以鳴鑼為傳令遞相迎送與會者
概屬負戴貿易之人聞鑼聲起皆奮勇奔救置其
貨物於不顧而街市亦固知其為救火者必為守
護之從無遺失羣焉競赴於火所挹水救護惟恐
後時必盡撲滅焉乃止火熄亦以鑼為令按道里
分賓主次序秩然行之久而不懈一方所最賴為
善舉者乾隆五十七年鹽臣穆騰額總鎮蘇靈阿

津道喬人傑因火災數且大乃倡修城內西北隅
之武成王廟又於廟之乾方架高閣三層以壓勝
之火災自是遂稀長蘆眾商每年分別捐助會資

長蘆鹽
法志

按火會立後續增至四十餘局每歲或

春或秋各局首善設席邀請捐資紳士鋪戶與救
火伍善以酬之 又按各會添製號衣器具蠟燭
燈籠等件用項甚鉅除捐資外長蘆運庫每歲助
銀共約壹千餘兩

縣志

蔡啟盛案救火會至壬辰年多至八十餘處鄒岱
東太守始擬整飭後僅諭禁再增鄙意猶病其淺
輟蓋多則成雜久則生弊凡事類然在
今情事固與鹽法志所云大不相同矣

救生會一在北浮橋每歲糧艘趨行時搶渡之人
往往失足落水見者懼累不免袖手嘉慶初邑生
員龐躍淵呈請邑侯陸公香森出示如有失足落
水者許平人拯救救之不生只須水鄉約稟報不
得牽累於是集議倡立救生會於關下捐設小船
一隻僱長夫二名月給工食隨時拯救其後關上
之茶店口肉市口二渡人亦設之

一在東浮橋嘉慶二年邑人潘士廉劉傑等因東
浮橋亦不時開放船隻於橋南橋北各渡口公捐
小船四隻分巡拯救

一在西沽浮橋西沽爲南北往來要路有鄭姓者
失其名因東北兩關俱有義舉亦集眾捐設後漸廢

嘉慶八年邑紳徐健處士王璋重整之同上

育黎堂在天津西門外前志光緒十年因舊屋無多

不敷貧民棲止兼值地方災歉飢黎日集經長蘆
運使額勒精額詳明籌撥銀二千一百餘兩又將
前在天津道任內節存銀一千四百餘兩一併撥
作添造房屋工費嗣因經費尙絀又經長蘆運使
季邦楨天津道萬培因詳明在運庫商捐賑墊加
價項下動撥銀三千餘兩先後共籌工費銀六千

五百七十五兩一錢四分一釐七毫委員修建

長蘆

鹽法志稿

西延生社邑廩生寇蘭皋倡立邑人守禦所千總

楊成錦踵行自咸豐六年起歲捐銀千餘兩至二

千餘兩不等

縣志

東延生社在河東元帝廟東通商大臣崇侍郎以西關一社不能普被復立一社於釐捐局耗羨項下歲撥銀約二三千兩為施餼之用邑人趙濬吳士恭經理其事有碑記

邑廩生寇蘭皋創立延生社嗣因經費不敷道光

三十年經蘆商華長祥等呈請鹽運使楊霈於商捐款內歲撥助錢數千緡咸豐六年邑紳楊成錦捐資承辦迄今十餘年俱尉文輔經理

餽餉會舊為金姓者倡立邑紳周自邠寇蘭皋等踵行其會以蜀秫蒸作餽餉遇風雪日於起更時會中人分赴西門外各小店遇貧人乞丐人給二枚病人產婦加給錢文

俱同上

天津縣留養局六所在城局房五間西門外柴廠局房八間葛沽局房五間西沽局房七間縣西關楊柳青均局房六間知縣陳宏模倡同輸銀一千

五十兩於乾隆二十年商領營運月息一分五釐
歲收息銀一百八十九兩又每歲鹽商捐銀二百

兩采訪冊

施粥廠乾隆間東豫歲歉貧民奔往奉天經過津
邑邑人張宏鎮煮粥以待餓者歲王子復歉有夫
婦攜子女經過津邑至河干夫前行婦覓夫不得
飢疲不能進大哭久之遂同子女沈於河及夫回
聞之亦自沈邑紳周自邠朱光觀等慨然謂夫婦
儻獲一飽何慘至此遂設立粥廠時有僧悟玉亦
以所蓄香資施於廠襄其事者邑人王錫明柴溶

王璋閻致德湖北監生熊觀而士民助粟者復干
百人後有

旨飭地方官計所助多寡分三等給匾以獎之嘉慶辛酉

津邑大水四鄉災民紛逃來城生員李嘉善舉人
徐通復徐通久監生徐高行捐米助賑李自捐徐
勸捐餘者於歲暮散之徐更築呂祖閣於東門外
內置義倉儲捐米以備急雖升斗必記其名以彰

好義縣志

保貞社禦寒社邑人李文照倡立以濟窮而無告
之人咸豐五年復於城內貢院西立寄生所每歲

自冬月起至來春止收養貧人數百與異鄉人之
流落在津者日給粥饘生則棲止病則醫藥故則
殮葬至今不墜同上

天津河間廣仁堂初設津郡東門外南斜街後改

建西門外太平莊蓋屋二百八十餘間分設六所

曰敬節所章程六曰慈幼所章程二曰蒙養所章程

十八條分仁義禮智四齋又有信齋一塾專為培
植人材起見四齋內有敏而好學者隨時撥入章

程十曰工藝所曰力田所章程十曰戒煙所並有

收卹災區婦女章程十款目繁多不能備載附錄

八條一是堂專為天津河間二郡而設所屬孤
寡之無依無告者均准收養正額先以三百名為

率男孩上等資質立義學以教詩書中等資質僱
梓人教以宋字刊印餘如修髮製衣皆可因材施
教下等資質試種桑棉蔬稻及區田代田之屬覓
浙江老農教以種法農隙於左近開井庶鑿耕並
行旱年可資灌溉婦女則紡紗織布零星女工餘
如夏藥冬衣掩埋施米皆擬次第舉行名曰不一
擬顏其堂曰廣仁取推廣
皇仁之意所定各項外如贍老則有育黎堂嬰孩則有
育嬰堂隆冬施粥則有官廠及饘饘等廠惜字則
有永善局本堂均可不必顧問果能經費寬裕再
議將孤寡教養事宜量為擴充仍不必再添名目
以致博而不精一卜地建堂以寬大為貴地形
宜高免潦年泛溢也四圍宜空免鄰火延及也其
內分作中左右三院中院建屋三十間為客堂帳
房管事房倉房卧房廚房等項之用左院建男號
舍五十間曰慈幼所日蒙養所日力田所日工藝
所右院建女號舍五十間曰敬節所仍寬留餘地
以備添造圍牆外購一二十畝之地以便力田所
用一歷來善堂能於衣食上用心已云盡美然
養成一班惰民於世何補北方素懶更當力挽其

光緒戊戌

弊故本堂之設於讀書農工加之意焉務俾一人
有一人之事漸冀自能謀生在事者當力求成效
毋貽空言之譏一自自古有治人無治法各處善
舉往往開辦未久非侵吞舞弊即有名無實於創
始者一片苦心大為辜負令人慨歎無窮欲救其
病惟慎選總董之人重其祿久其任庶幾循名責
實成效可臻即其餘銀錢司帳管事各司事亦宜
審擇精勤公正者略豐其脩俾無內顧之憂方克
專心奉公蓋款無虛糜事有實濟雖脩資略豐暗
中仍係撙節且於大局實有裨益也應用之人均
由總董與督理堂務各位秉公議定不得調劑親
友應酬情面致招物議而造孽障一經費支用
本款則涸可立待斷難經久此次除建屋開辦外
如有餘款應交天津縣衙門轉發當鋪每月一分
生計以垂永久一南人創辦北事不免地脈生
疏擬由天津府縣選舉本地公正紳士二人襄理
堂務以期集思廣益眾志成城一本堂銀錢皆
孤寡養命及緊要善舉之資除定章應辦之事外
無論何人均不准稍有挪移司事人等亦不准透
支宕用凡遇婚喪急切祇可另自設措不得動支

堂款分毫司帳狗情立即辭去仍責令賠繳
每月由總董將用款覈結照鈔一本送督理堂務
各位傳觀年終彙刊徵信錄由督理堂務各位核
盤無誤率同總董暨經辦各司事在天津府城隍
廟拈香焚化仍將徵信錄分送督藩臬運各憲關
道津道天津河閒兩府暨通州縣助捐善士大
眾覈閱總督李鴻章有奏津郡創設廣仁堂
收恤婦孺分別教養已著成效摺具存檔案

全節堂在縣東門外南斜街同治七年署天津府

知府任信成創立共房二十餘間通商大臣崇厚

運使恆慶天津道周家勳俱捐廉以助善舉撥上

年捐賑項下餘銀五千兩發當商生息又於陳家

溝船捐項下酌提二成每歲約京錢千餘緡又各

鹽商按包捐制錢一文每歲約京錢二千緡均按

月交付首事收養節婦貞女無論流寓土著先詢
明年歲門氏有無父母翁姑親屬子女詳細登記
節婦年在三十以內者方准入堂有子女者准攜
帶男則附義學讀書紙筆等費堂中籌備女長成
任母擇配每人飯食日定京錢二百五十文初二
十六兩日設葷菜每十人用僕婦一人月給工錢
一千五百文每號月給燈油一斤如有患病及病
故者醫藥棺殮堂中購備節婦貞女入堂後不得
無故出堂每春秋二季由堂籌給京錢一千文以
作紙鏹僱覓代步之用派年老僕婦隨赴各墓前

祭掃設有不耐羈苦者報明府縣通知原保親族
具領出堂不許復入堂中設司事二人每月工食
錢六千遇閏照支令紳董公保年五十以上老成
樸實之人不得在堂晏會嬉笑日用各款按月報
府並公舉端謹殷富三四人輪流稽查以防弊竇
堂內院設立轉桶柳門一座竟日封鎖三尺之童
概不許入柳門鐵鎖兩把司事各掌其一開門拆
封須兩人會齊柳門內每院設水缸二每日開門
二次進水傳遞物件外有木柳內有雲板服役人
等必由司事稽查不得任意啟閉節婦所帶幼童

在十歲以上者不得居住內堂如各親眷探望必先通知司事擊柝傳喚僕婦告知探望何人在轉桶處相見如節婦貞女患病勢危親眷來堂看視者方准開門進內凡堂內事宜司事通知首事辦理至收養之數統計現時酌定以垂久遠縣志

卹嫠會邑增生朱維翰等倡立約好義之人捐資為嫠婦月費與蘆商公議每鹽一包捐錢一文以充會用嗣因僅敷收養百人至後來應卹之人註姓氏於簿有病故者補之恆多年不能挨及同治九年天津道丁壽昌訪悉其事與運使恆慶津海

關道陳欽署天津府知府馬繩武籌款撥充以全節堂存有捐款章程日久未定商之邑紳提交當商生息復收養嫠婦百人並以船捐鹽捐兩項併歸當商每年添收二十人會內立主辦一人總查一人幫辦十二人分段訪查嫠婦月給京錢一千五百文其有翁姑年老無子奉養者加錢七百五十文有子女小口者加錢五百文子屆七八歲送義學讀書子年至十八即停卹如係廢疾仍酌卹之守節至三十年代請

旌表 采訪 冊

廣仁堂義田廣仁堂在天津南城外光緒 年以
收養孤孀人數日多經費短絀查有候補知縣寶
山祖遺場河淀地畝九十頃零前由堂內給銀一
千二百兩將葦地三十餘頃歸堂收租此外尚有
水田四五十頃再找銀六千兩便可一併置買光
緒十年運使額勒精額委員逐段勘丈共計孫莊
歡坨等處水旱地九十頃零四十三畝八分五釐
五毫詳明由運署賑墊加價款內照數撥交歸堂
收租以充經費

天津府備濟社光緒六年設
附錄直隸總督李鴻章奏查直隸頻經水

旱戶鮮蓋藏必須設法籌備臣已督飭藩司任道
鎔酌定章程刊發通省州縣各就情形勸捐積穀
先據升任天津道丁壽昌原任天津縣知縣王炳
燮勸捐紳士李世珍倡捐銀五千兩嚴克寬楊俊
元黃世熙楊雲章李士銘及無名氏各捐銀一千
兩本擬買穀存儲該紳等以津郡若遇荒年買糧
較易不如將銀發商生息以期歲歲增益又經籌
賑局司道議將本省外省華商海船販糧來津者
每津斛一石捐銀五釐如裝他貨亦照裝糧數目
抽收在各船所捐無幾而公中積少成多並歸紳
捐生息更於備荒有裨即派該紳李世珍嚴克寬
等董司其事名曰備濟社計自光緒五年開河起
至封河止共收船捐銀六千一百餘兩除上年水
災收買紅糧棉衣查戶散放外尚有銀二千餘兩
連李世珍等倡捐銀款零星各戶捐款及所得息
款統共合銀一萬四千六百餘兩該紳等現墊足
一萬六千兩一併發商按月八釐生息俟續捐有
款歸墊至船捐一項眾皆樂從業經辦有成效嗣
後應照案將收款陸續發商生息所得紳捐船捐
息款每屆冬令提出三成以濟貧窮無告之民其

餘七成留爲荒年助賑之用只可動利不准動本如遇大急必須動本亦不可過三四成此項銀兩專爲濟貧備荒而設無論地方何項公事及別項善舉概不准官紳絲毫挪用社中一切事宜責成公正紳士輪流值年妥實經理據該紳等稟請奏明立案前來臣查津郡五方雜處貧民衆多時有水旱偏災備荒尤爲急務今勸集紳捐銀一萬六千兩發商生息嗣後仍照章抽收船捐本息漸裕荒年藉可接濟實屬有裨窮民自應永遠責成公正紳士經辦由地方官隨時督查至該紳李世珍嚴克寬楊俊元黃世熙楊雲章李士銘等素殷推解見義勇爲此次倡捐鉅款並經理船捐力成備濟社善舉且各自添備米糧棉衣散放濟賑聲稱不邀議敘具見保全桑梓誠心爲公深堪嘉賞除飭將辦理章程勒石垂久所有天津縣紳商集捐濟貧備急緣由理合附片具陳

育嬰堂在城東門外乾隆五十九年巡鹽御史徵瑞奏據眾商呈請因天津貧民不能養贍者往往

將嬰兒遺棄舊有蘆商高州府通判周自邠捐資僱覓乳婦收哺之留養漸多用費不資眾商願捐造設立育嬰堂一處共屋一百二間專備收養遺棄嬰兒歲需經費卽於眾商捐交參課項內視收養之多寡酌撥以七千兩爲率本年收養尙少卽以餘銀修理堂屋奉

旨準行經運使嵇承志詳定章程創立條規派委官商經

理稽察凡工食薪米更換單棉衣天棚煤炭諸費及月給醫士薪資定例支銷嘉慶九年二月眾商復請以育嬰堂嬰兒乳婦多至三百餘人欲使防

重刊天津府志 卷之十 郵政
三
範周密經理無弊請仿照京師育嬰堂廣育堂章程增設內外男女司事約束齊整並酌立章程條規懸之堂壁以期永久由運使委監堂官一員總商數人輪流分班隨時查察道光二十五年以節省銀兩增置民房十四間道光二十六年商捐不濟由運庫月發經費銀五百兩同治十年復月增銀一百兩光緒三年集善堂捐購與堂毘連之陸姓住屋一所計房十間以備多收嬰孩光緒十三年復月增經費銀一百兩

育嬰分堂在城東門外南斜街光緒十三年長蘆

運使季邦楨以原設育嬰堂人多屋窄疾病易滋創議建設分堂署運使周馥隨踵成之由天津監生閻玉生倡捐銀一千二百兩並通綱集捐及運庫籌撥共購置大小房屋五十三間歲需經費由育嬰堂增發經費內撥給

恤產保嬰局在城西門外廣仁堂內光緒十年經紳董稟請籌款設立以補育嬰之不足長蘆運司衙門有節省奉餉鑪工銀五百餘兩向歸籌賑局置辦冬撫棉衣現將此項撥歸恤產保嬰局添作長年經費仍解籌賑局轉發

俱同上

牛痘局在運署後同治六年邑人候選治中華光

煒立縣志

醫院在海大道南光緒四年北洋大臣總督李建
延精通西學醫士駐院施診給藥初設女院嗣於
十八年又廣設男院並醫學堂歲費二萬餘金由
支應局撥給采訪冊

粥廠一在城西門外一在西沽一在北倉當同治
年間水災特甚官設粥廠多區適有厲壇寺火災
之事延傷多命司事者皆獲重譴嗣後益加慎重
分設三區男一女二歲以冬仲春初三月爲期沿

河十餘州縣貧民踵集計數二萬餘人歲以爲常
米糧各費均由籌賑局支銷

蠶桑局光緒十年候補通判朱幹臣候補知縣裴
敏中准補完縣知縣勞乃宣稟稱現擬植桑養蠶
須廣置高阜宜桑之地由南方採買桑秧運津栽
種僱工養蠶做絲並教本地婦女學習勤能醫惰
數年之後民間咸知其利自可趨之若鶩請籌發
款項購置地畝房屋經長蘆運使額勒精額詳明
籌銀一千兩發局應用以期推行盡利藉濟民生

俱同上

放生院在河北大悲院中凡牲畜老病殘疾者居民每送入院中給資交僧養之日久不敷寺僧募化接濟不倦又募化各米積合勺至石餘於臘八日煮粥以濟乞丐貧民歲以爲常縣志

施棺局邑李廷秀李同仁高鑑孫起龍李同和之先人於康熙間倡行數十年捐資勿替乾隆間廷秀等復呈請運使盧見曾運庫每歲助銀二十四兩定爲例後漸廢邑紳李錦倡眾捐資襄其事者百餘人復舉行凡路斃與貧不能殮者給棺一口錢七百五十文以爲葬費初局在西門內白衣寺

李錦移於大佛寺後有史姓者失其名重立局於白

衣寺內邑人從九品王德榮議敘六品銜張肇岐復請於運使每歲增銀二百四十兩嘉慶六年津郡大水路死甚多局費支絀邑人從九品陳萬勝徐通復等勸捐整理以鼓樓西板橋衚衕火神廟爲會所出資者崔嘉賓暨謝王楊華章諸姓自咸豐初至今舉人李秉璋捐資以助善舉

掩骼社乾隆三十六年邑人華龍藻請撥城西南官地二頃餘立掩骼社首事爲孫美義乾隆四十年閒閻致德立願掩骼嘉慶六年大水四鄉民結

重刊天津府志 卷七 郵政 三
棚而居死者纍纍致德倡捐僱夫瘞埋一時助者甚眾次年徐高行亦踵行之道光七年邑人李明遠復於城西立澤屍社道光二十四年邑人閻盛德甄沛霖潘聚川程悅耕約在社六十餘人每日各捐錢四文助社費咸豐十年僧王挑築濠牆屍骨被掘暴露費不支勢將中止邑人守禦所千總楊成錦約社中同人悉心經理諸費皆獨力捐辦邑人李明遠等所立澤屍社道光十九年天津知府恆春捐京錢壹千緡交蘆商王蓮品發當生息以助義舉咸豐十年挑築濠牆同治八年修理河

隄屍棺暴露先後掩歸義地者幾二千具同治八年王蓮品交嚴任波經理每屆清明節徧歷四鄉修理瘞埋

撈埋浮屍局在鹽關海神廟乾隆間知縣熊恩紱設立派書役備棺木諭沿河居民遇屍即時撈報給棺一口錢五百文爲掩埋費仍詳記年貌以憑認領並將商捐養贍老少餘項移用以僧了凡經理其事後漸廢民人沈朝琮釀金買舟撈屍有阮姓者捐備棺木又城東挂甲寺嘉慶間知縣任銜蕙准無量庵僧覺彬等呈請於寺東北里許置地

十畝爲埋葬之所復請於運使索諾木札木楚歲撥育嬰堂項內餘銀一百五十兩爲經費同治七年捻逆亂後五六月間沿河浮屍晝夜不絕署天津府知府任信成捐廉二百兩交邑紳劉象咸爲撈屍備棺之用俱同上天澤會總督方觀承因津門爲人煙叢集之區孤旅貧民浮厝郊外年久率多暴露惻然憫之督同天津道宋宗元董承勳富尼漢天津知府熊繹祖同知饒佺知縣陳宏模捐俸倡勸士民樂施共銀二千二百餘兩以建屋置牛車買地取土僱人暨

一切器具以所餘並續捐之項置買靜海縣陳官屯官地十九頃二十七畝土房四十五間歲收租息充掩埋之費由縣報府稽查出入之數至於驗荒塚督夫工則府首領佐雜等官分任之知府熊繹祖勒石記其事留養局案記殮埋社邑人甄起順侯珍張有僧人法來於城西慈惠寺立殮埋社凡貧寒之家力不能營辦殮埋者社中卽備費前往代爲料理縣志

附義地

一在西門外一里許五十餘畝明宏治六年立前志

一在西門外小稍直口路南明工部尙書王施
一在西門外礮臺南順治十四年天津道副使張
澍施名漏澤園

一在河北關上白衣寺北計地三十畝康熙三十
一年附監生梅開傑施立

一在西門外迤南里許計地二頃四十畝康熙四
十六年天津道李發甲施俱同上

一在西門外濠西南乾隆三十五年邑侯熊恩綬
以邑人華文治呈請撥新墾地二頃二十餘畝聽
民埋葬册存縣署戶北科房縣志

一在城東南馬家口名曰四九墳乾隆三十五年
大水邑紳孫明周自邠撈水中浮屍葬此有碑記
一在西門外育黎堂西乾隆四十九年運使張棟
施計地一百二十畝有碑記

一江西義地在城西南二里許邑侯陳鳳翔施
一挂甲寺撈屍義地在寺東北里許去城十一里
邑侯任銜蕙施

一在西門外太平莊西南里許嘉慶十四年江南
陽湖人輝之煥施計地一頃零十五畝

一在河北獅子林迤北本廟尼僧圓光施

一在濠牆外西南道光二十年天津道陸建瀛施
計地二頃八十畝

一在河北梁家嘴同治五年邑人遊擊銜趙濬施
計地六十畝

義塚在府城西門外乾隆五十年運使張棟經歷
錢蔭楠並幕賓屬官捐置地一百二十畝凡有貧
不能葬及倒斃無主者悉收埋之建屋三間備掩
埋之具派人專司經理日給飯食燈火並僱夫工
食施捨席片每歲修理納糧等共銀一百六十八
兩由商捐公費內給發俱同上

義塚因津郡舊設義地纍纍已滿光緒元年運使
祝壇據綱商楊俊元等稟採買城西汪家莊迤西
三教堂前地一段計一頃零八畝又城東田家莊
地一段計三頃零三十畝設立義阡總局派令綱
商董理其事旋於二年飭綱議定每年發給經費
津錢二千吊由領告項下動支又於三年據候選
縣丞王爲楨稱有自置荒田一段坐落城西南徐
胡圈莊迤西北計地二十一畝情願輸作義地又
據運署銀匠陳寶光稱有自置種養地坐落城南
佟家樓西南願捐一頃以備掩埋嗣於九年開天

津道津海關道會稟直隸總督批准義阡鹽捐一
款移撥工程局由局中員董會同綱商經理每年

經費解交工程局收用義塚碑記天津義塚之載於郡志者五其二置自前

明其久已無可置鋪地而暴露者遂聞有之道光丙

戊前理藩院帖書今大司空穆公以監收海運蒞

津謀於前天津觀察今兩淮轉運使鄭公捐金置

地一區以邑令專司其事而余適以是年秋七月

來備員轉運長蘆治事之暇聞穆公為此盛舉思

欲別營隙地推而廣之因請於視使公復有續

捐廉為倡僚屬咸併力樂輸越一年穆公復有續

捐而漕帥訥公亦以朱提為助乃購地一百五十

畝於郡城西門外凡事之應籌應議者屬小直沽

批驗大使金君總司之既而金君以議上謂津沽

為眾水深滙地偶值霖潦則漂沒不常宜培土增

高以杜斯患余聽其議亟准墊築如法計增土五

尺有奇用土方三萬七千有奇諸役中經費此其

最鉅者迨工既竣復為之溝濠以備宣洩植樹木

以清界址豎坊表以誌標準平道路以利往來擇

董事以專責成築室宇以供棲止編簿籍以綜句
稽嚴禁令以杜侵佔計自購地以至於竣事凡用白
金五千有奇悉出捐輸捐有不足則籌款以附益
之而以地券工需彙為印牘掌之史胥用有稽考
其掩埋之法則男女各為一區焉小兒別為一區
焉坎之深廣有弓尺焉其歲事之需則董事有薪
水焉役夫有工食焉修治有經費焉每年約需四
百金亦俱別為籌畫以期經久弗替竊惟掩骼埋
胔仁政也上官能倡率以董戒之而不能一一親
督視之則嚴定章程以實力而奉行者是又司事
者之責矣求仁有術其亦由此擴而充之乎乃述
其緣起書之於石而別具捐輸者姓名銀數刻於
碑陰至若金君之所籌議皆謀於邑人侯君肇安
故能相與有成侯君由乾隆癸卯科舉人任山東
武定營守備援例晉都司道光四年以放粥優敘
加一級得三品階者也附書以勸好義急公者道
光七年七月長蘆鹽運使札隆阿撰并書

重刊天津府志
蔡啟盛案津門義地不止此數如碑所紀既未備
載又鹽陀義地由商租鑾儀衛地作陀所餘任人
埋葬積成大片中分二十五區此外更有不詳所
始者大抵津人本好施而近來地日見絀愚民填
沒叢塚為園宅苟非專管得人誠有不堪設想者
不才前年承沈太守屬以掩埋塌蹶粗完年終而
退此碑亦由當時尋得俗呼華家場因先曾填土
高出諸地僧王築郭劃破少半在外謹為附錄並
識梗概

青縣養濟院在縣城南額養孤貧二名縣志

青縣留養局三所李家鎮興濟鎮馬廠鎮均局房

九間知縣冷廷頤倡同輸銀五百兩於乾隆二十

年商領營運月息一分五釐歲收息銀九十兩今

廢采訪冊

育嬰堂在城南今廢縣志

義塚二處縣志一在城南一在城北前志

靜海縣養濟院在縣東街額養孤貧八名縣志

靜海縣留養局四所縣西關唐官屯陳官屯良王

莊均局房三間知縣王化南輸銀二百兩於乾隆

十九年商領營運月息二分歲收息銀四十八兩

又知縣潘仙機輸銀一百兩於十九年商領營運

共本銀三百兩歲收息銀七十二兩同上

滄州養濟院在州署東南額養孤貧十九名州志

先斯院在州南薰門外前明運使韓應龍捐建中

爲正廳三間東西北三面各建棲止屋八間每間安置鍋一口蓆一領被一條以收養瞽貧殘廢無告之民榜其名曰先斯院復捐置贍田二十七頃六十二畝坐落滄州馬里通莊召佃租種無論水旱豐歉每年收租銀一百兩又四十兩交納滄州地畝錢糧乾隆四十年分司錢樹將地收回官爲經理詳明運使清丈造冊五十三年分司金忠沂詳定章程檄委批驗大使催收租銀每年除完糧散給瞽貧外餘爲歲修院屋莊房之用

鹽法志

滄州留養局二所州北關午龍堂均局房四間署

知州張彬倡同輸銀三百兩乾隆二十年二月商領營運月息二分至六月收息銀三十兩又紳士續輸銀二百七十兩合前本息共銀六百兩於本年七月商領營運如前歲收息銀一百四十四兩

州志

火會公所在城內曰天一水局在城北鹽崇坊曰天德水局在小南門外常德水局在南門外名一善水局濟善水局在西門外名輔善水局

城市向多火患初有義民五十人相率爲福水會自備器具有災鳴金咸集且分截諸路以防不逞之徒乘機搶掠由是號爲義民道光九年重整火會增至百人

州志稿

義塚

一在東門外前志

一在南門外同都御史劉燾立州志

一在北門外前志兵部尙書戴才立州志

南皮縣養濟院在縣治東額養孤貧十二名縣志

南皮縣留養局四所縣南關潞灌鎮各賃房五間

泊鎮局房七間半壁店局房五間知縣程如震倡

同輸銀三百二十兩除建泊鎮局房外存銀二百

七十七兩於乾隆二十年商領營運年息二分歲

收息銀五十五兩五錢縣志又義塚三處前志引縣志未詳地

址

鹽山縣養濟院在城內西北隅額養孤貧十九名

鹽山縣留養局三所縣南關羊二莊舊縣均局房

四間知縣梁兆榜倡同輸銀三百兩於乾隆十九

年商領營運年息二分歲收息銀六十兩今廢采訪

冊

鹽山縣義塚一在縣城北厲壇左明嘉靖十一年

知縣時尙儒捐置一在東門外貢生劉芳潤捐置

前志一在崔家園計地二畝九分零同治四年署知

縣王福謙捐置一在劉家墳東計地四畝二分同

重刊天津府志 卷七
治元年邑紳捐置

采訪冊

慶雲縣養濟院在城內西北隅額養孤貧十九名
慶雲縣留養局六所城隍廟局房四間劉貴家莊
解家集黑牛王板撻營楊和尚寺均局房三間知
縣甘怡倡同輸銀一百兩於乾隆十九年商領營
運年息二分歲收息銀二十兩又縣胥孫三戒等
家產變抵入官餘銀二百三十兩商領營運年息
一分五釐歲收息銀三十四兩五錢共計息銀五
十四兩五錢又報出城南壇餘地五畝城北壇餘
地六畝城西壇餘地四畝共計十五畝每畝租穀

一石四斗歲收穀二十一石今廢

采訪冊

掩骼岡在無棣城側舊通志云宋進士李之純築

掩骼萬計

前志

漏澤園七官置者五一在城東一在黑牛王店一
在海子王家莊一在蔣家橋一在楊和尚寺其一
在城南者監生崔儲精置一在鬲津河南岸者縣
學生崔榷置

縣志

國初仍明爲衛雍正三年改衛爲州撥武清靜海滄州三州縣內二百六十七村莊入之以青縣靜海縣來屬九年升州爲府并設附郭一縣亦名天津青縣

國初屬河間府順治六年省興濟縣入之雍正三年天津衛改爲州以縣屬之九年天津州升爲府靜海縣

國初屬河間府雍正三年天津衛改爲州以縣屬之九年天津州升爲府

滄州

國初屬河間府雍正三年升爲直隸州領縣四曰南皮鹽山慶雲東光九年天津州升爲府還爲州併南皮鹽山慶雲三縣屬天津府東光還屬河間府南皮縣

國初屬河間府滄州雍正三年滄州升直隸州專以屬之九年天津州升爲府滄州還爲州改屬天津府

鹽山縣

國初屬河間府滄州雍正三年滄州升直隸州專以屬之九年天津州升爲府滄州還爲州改屬天津

金 元 明

燕山路燕山府	中都路大興府	河北東路清州	大都路朔州	河間路滄州	北京順天府
興濟縣興濟縣地	武清縣地清州治靖海縣清池縣南皮縣鹽山縣無棣縣	靖海縣地興濟縣	武清縣地清州治靖海縣清池縣南皮縣鹽山縣無棣縣	靖海縣地興濟縣	武清縣地青縣
	清池縣地會川縣		會川縣	興濟縣	青縣
			靖海縣	靜海縣滄州	靜海縣滄州
				南皮縣	南皮縣
				鹽山縣	鹽山縣
				慶雲縣	慶雲縣
					天津衛

天津縣 按雍正三年天津置州原撥順天府武清縣河間府靜海縣滄州等村莊一百五十

大成之九年州升為府並置附郭一縣因而不改

攷縣境沿革明代以上不出三州縣境間亦有與

青縣故境參錯者當分撥村莊時據其時所隸言

之故僅以三州縣稱今表一府沿革諸以史志為

定而以光緒通志及前志並州縣諸志為輔其天

津青靜海滄四州縣分敘各別互參始明已見前

者後不復贅輿地一事今古名實紛然百變必一

一求其至確雖通材未易任此若入主出奴徒滋

支蔓之辯固未安已

漢書地理志漁陽郡縣十二其一泉州注有鹽官

勃海郡縣二十六其一章武注有鹽官按漁陽縣

注沽水出塞外東南至泉州按即今武清縣入海行七百

五十里水經注沽水從塞外來東過漁陽狐奴縣

北西南與濕餘水合為沽河又東南至雍奴縣西
笥溝又東南至泉州縣與清河按即衛河今南運河東入於

海縣志據此以為衛河與沽水俱從直沽入海則

直沽即泉州章武分界今縣北至武清南至靜海

兩界各三十餘里則為泉州之南境章武之北境

可知光緒通志沿革表於漢注章武泉州二縣地

後漢書郡國志漁陽郡九城其一泉州注有鐵渤

海郡八城其一章武

三國疆域志

國朝洪亮吉補

燕國漢置後國除作廣陽

郡魏因之太和六年復改作國下邳王字徙封此

領縣十其一泉州章武郡魏分河間渤海置注晉

地理志魏武置郡十二其一章武及章武國領縣

四其一章武

晉書地理志燕國統縣十其一泉州注侯相章武

國統縣四其一章武

魏書地形志幽州領郡三其一漁陽郡注真君七

年併北海郡屬領縣六其一雍奴注真君七年併

泉州屬有泉州城雍奴城滄州注熙平二年分瀛

冀二州置治饒安城領郡三其一浮陽郡注太和

十一年分渤海章武置屬瀛州景明初併章武熙

平二年復領縣四其一章武注有浮水入海

隋書地理志涿郡舊置幽州統縣九其一雍奴河

閒郡注舊置瀛州統縣十三其一魯城注開皇六

年置渤海郡注開皇六年置棣州大業二年爲滄

州統縣十其一饒安注舊置滄州浮陽郡開皇初

郡廢大業初州廢其一清池注舊曰浮陽開皇十

八年改按縣志據禹貢錐指以爲章武爲舊城按

唐改乾符縣又據宋地理志清池縣有乾符巷姑三女

泥姑小南河五砦其三女砦政和改曰三河在大

河北流海口定爲今直沽泥姑砦政和改曰河平

定爲今小直沽皆漢河水至章武入海之地足證

魯城之爲章武又按光緒通志沿革表於隋注渤

海郡地前志同均不注明何縣蓋在饒安清池之

閒參北魏浮陽郡可見

唐書地理志幽州范陽郡本涿郡天寶元年更名

縣九其一武清注上本雍奴天寶元年更名滄州

景城郡上本渤海郡縣七其一乾符注上本魯城

乾符元年生野稻水穀二千餘頃燕魏飢民就食

之因更名按方輿紀要唐置蘆臺軍後廢乾符中

改置蘆臺軍亦曰乾甯軍前志引曹能始名勝志

蘆臺軍爲後唐同光中置而證以金劉晞顏寶坻
縣記劉守光置蘆臺於海口鎮以備滄州後周德
威復收蘆臺軍云攷寶坻遼初置爲新倉鎮卽

唐武清縣地

宋史地理志燕山府唐幽州范陽郡石晉賂契丹
建爲南京又改號燕京金滅契丹以燕京六州二
十四縣來歸宣和四年改爲燕山府領十二縣其
一武清金人復取之滄州上景城郡橫海軍節度
縣六其一清池注望熙甯四年省饒安縣爲鎮入
清池有乾符巷姑三女泥姑小南河五砦政和二

年改巷姑曰海清三女曰三河泥姑曰河平

金史地理志大興府上晉幽州遼升爲南京貞元
更今名縣十其一武清注晉縣滄州上橫海軍節
度宋景城郡貞元二年來屬縣五其一清池清州
中宋乾甯郡軍國初因置軍縣三其一靖海注明
昌四年以清州窩子口置

元史地理志瀋州下遼金爲瀋陰縣元初爲大興
府屬邑至元十三年升瀋州割大興府之武清香
河二邑來屬領二縣其一武清滄州中領五縣其
一清池清州下領縣三其一靖海

明史地理志通州洪武初以州治潞縣省入領縣
四其一武清注州南元屬灤州洪武十二年來屬
有三角淀在縣南卽古之雍奴周二百餘里諸水
所聚有直沽在縣東南衛河白河丁字沽合流於
此入海有巡檢司河閒府注元河閒路直隸中書
省洪武元年十月爲府屬河南分省二年三月來
屬領州二其一滄州洪武初以清池縣省入縣十
六其一靜海注府東北元曰靖海屬清州洪武初
更名八年四月改屬北平府十年五月來屬縣北
有小直沽衛河自西來與白河合入於海又有丁

字沽鹹水沽又北有天津衛永樂二年十一月置
按明一統志天津衛天津左衛天津右衛俱在靜
海縣小直沽永樂二年築城三年調天津衛天津
左衛四年復調天津右衛縣志舊志天津本近口
關名在良鄉北自永樂置衛天津之名遂移直沽
據畿輔通志天津關在宛平縣西二百一十五里
據方輿紀要關在良鄉縣北百餘里至易州出大
龍門凡十五關口中閒若大者曰天門關或云天
津口未知孰是

青縣

漢書地理志勃海郡縣二十六其一參戶注侯國
按舊唐書地理志漢參戶縣屬渤海郡後周改長
蘆元和郡縣志長蘆縣本漢參戶縣地周大象二
年於此置長蘆縣屬章武郡水經云長蘆水名也
水旁多蘆葦因以爲名參戶故城一名木門在長
蘆縣西北四十里今攷縣南三十里有木門鎮滄
州南四十里有木門城前志據此謂鎮卽是城縣
東南當爲漢參戶地又按勃海郡泉州縣詳上天
津前志據此謂縣西北當爲漢泉州地
後漢書郡國志前志有縣名今所不載者皆世祖

所并省也按地理志勃海郡下參戶侯國今不載
是參戶爲光武所省明矣雍正通志謂後漢省參
戶入章武不注所出何書

五代時前志以爲石晉以山前後十六州賂契丹
武清縣已入異域方輿紀要謂契丹改乾甯軍爲
甯州縣南長蘆等境尙屬中國周世宗顯德三年
平三關後復故置永安縣爲軍治

宋史地理志河北東路清州下本乾甯軍幽州蘆
臺軍之地晉陷契丹周平三關置永安縣屬滄州
太平興國七年置軍改縣曰乾甯隸焉大觀二年

升爲州政和三年賜郡名曰乾甯縣一乾甯注熙甯六年省爲鎮元符二年復崇甯三年再省政和五年又復砦六注鈞臺獨流北獨流東當城沙渦百萬按前志據地理志說置軍設縣升縣爲州改州爲郡則改郡以後不復置州金史地理志亦謂清州本乾甯郡而志列爲清州不言郡誤也又前志附興濟縣爲乾甯縣之獨流砦及清池縣巷姑砦地大觀初置屬滄州宋地理志清滄二州下亦不載未詳所據何書但注云方輿紀要興濟縣有獨流巷姑二砦

金史地理志清州中宋置乾甯郡軍國初因置軍縣三其一會川注本名乾甯貞元元年更名其一興濟注本隸滄州大定六年來屬元史地理志清州下五代置乾甯軍爲乾甯郡大觀閒以河清改清州金爲乾甯軍元太宗二年改清甯府七年又改清州至元二年以靖海興濟兩縣及本州司候司併爲會川縣後改置清州領縣三其一會川中其一興濟下按前志金元州治均在會川元志言金爲乾甯郡蓋誤據兩史宋置郡金未置郡也

明史地理志河間府條下領縣十六其一青注府
東北元清州洪武初以州治會川縣省入八年四
月降爲縣尋改清爲青其一興濟注元屬清州洪
武初省十三年復置屬府按前志云明一統志洪
武七年改清州爲青縣與志小異
靜海縣

按宋以前縣境前志沿革表注云同青縣光緒通
志沿革表於漢注章武東平舒二縣地於三國魏
注章武東平舒二縣地於宋注清州窩口寨以上
均略章武縣地與青縣同東平舒地不詳所據何

書其引漢書地理志勃海郡下東平舒州定爲今
順天府大城縣地而順天大城縣沿革表於漢亦
注云東平舒地攷今縣境西至大城縣界二十八
里西南至大城縣界四十里壤地固亦相接然天
津一表前後兩注互異疑莫能明窩子口寨本金
史地理志靖海縣注是也

金史地理志清州條下靖海注明昌四年以清州
窩子口置按此爲清州所統三縣之一

元仍金舊爲靖海縣屬清州

明史地理志河間府條下領縣十六其一靜海注

元曰靖海屬青州洪武初更名八年四月改屬北平府十年五月來屬府

滄州

漢書地理志勃海郡注高帝置師古曰在勃海之濱因以爲名縣二十六其一浮陽高帝五年置其一千童其一章武其一中邑按光緒通志沿革表於勃海郡注前漢治浮陽後漢治南皮於浮陽縣注前漢郡治後漢省然郡國治八城載有浮陽侯國則改縣爲國不爲省已又按所引一統志中邑廢縣在州界漢高后四年封宋適爲侯國屬渤海

郡寰宇記後漢省併浮陽今長蘆縣地

後漢書郡國志渤海郡條下八城其一浮陽侯國其一章武按地理志千童下注應劭曰靈帝改爲饒安郡國志既不載千童亦不載饒安疑莫能明三國疆域志渤海郡領縣十其一浮陽其一饒安注元和郡縣志漢靈帝時於千童縣置饒安水經注云後改千童縣爲饒安縣今考千童縣中興後省靈帝復於故處立縣改名饒安也章武郡魏分河間渤海置領縣四其一章武注漢屬渤海按光緒通志沿革表於饒安縣注文帝紀饒安縣言白

雉見於章武縣注置章武郡治此不注所出何書
晉書地理志渤海郡注漢置統縣十其一浮陽其
一饒安章武國注秦始皇元年置統縣四其一章武
按滄州志云三國志魏杜恕傳嘉平元年徙章武
郡是章武郡乃魏所立水經注浮水逕章武故城
晉泰始中立章武郡治此不知晉因魏舊也據此
則晉改郡爲國均卽章武縣城

魏書地形志滄州浮陽郡條下縣四其一饒安其
一浮陽注郡志西接漳水衡水入焉今謂之合口
有浮水其一章武注章武城有漢章武臺漳水入

海沾水大家姑祠俗云海神或云麻姑神按太平
寰宇記熙平二年分瀛州冀州置滄州取滄海爲
名領浮陽樂清安德三郡理饒安卽今饒安縣東
千童故城是也其浮陽郡理卽今浮陽縣光緒通
志據此定爲今滄州舊城也又章武注晉屬章武
後屬志又云章武郡晉置國後改領縣五其一西
章武注正光中分滄州章武置光緒通志據此定
章武爲沿兩漢晉舊縣也後周時置長蘆縣詳上
青縣

隋書地理志渤海郡條下滄州統縣十其一饒安

其一清池注晉書浮陽開皇十八年河間注統縣
十三其一長蘆按前志謂隋地理志明列渤海郡
而無改郡之說史之漏也方輿紀要云明年又改
渤海郡足補之

唐書地理志滄州景城郡上本渤海郡治清池武
德元年徙治饒安六年徙治胡蘇貞觀元年復治
清池縣七注西南有橫海軍開元十四年置天寶
後廢大厯元年復置其一清池注緊其一長蘆注
上其一饒安注武德四年析置鬲津縣貞觀元年
省入樂陵其一乾符按地理志於滄州景城郡及

七縣廢置前後悉置不言前志議為太略引舊唐

書地理志補足資考證今注下方

舊唐書武德四年平竇建德分

饒安置鬲津縣五年以清池屬東鹽州六年以觀
州胡蘇縣來屬仍徙治之又省棣州以滴河厭次
陽信樂陵來屬貞觀元年以瀛州之景城廢景州
之長蘆南皮魯城三縣廢東鹽州之鹽山清池二
縣並來屬又以滴河厭次二縣屬德州以胡蘇屬
觀州仍移治清池又省鬲津入樂陵省無棣入陽
信八年復置無棣十七年以廢觀州之弓高東光
胡蘇來屬割陽信屬棣州天寶元年改為景城郡
乾元元年
復為滄州

方輿紀要梁乾化五年滄州屬梁改順化軍明年

滄州歸晉仍號橫海軍光緒通志沿革表於清池

縣注周廢唐乾符縣入焉

宋書地理志滄州上景城郡橫海軍節度縣五其一清池注望熙甯四年省饒安縣入清池按光緒通志沿革表於清池縣注乾德二年廢長蘆縣入焉蓋本之寰宇記州治沿革表又云熙甯五年省饒安乾符二縣俱入清池不詳所出何書據金史地理志滄州清池條下云鎮五注長蘆新饒安舊饒安乾符郭曠省縣爲鎮據此可信特未詳何代年月爾

金史地理志滄州上橫海軍節度宋景城郡貞元二年來屬領縣五其一清池注置河倉有浮陽水

徒駭河據元史地理志稱金升滄州爲臨海軍今志仍作橫海軍又按元史地理志益都路膠州下唐初爲膠西縣宋置臨海軍金仍改爲膠西縣亦不言廢軍疑莫能考

元史地理志滄州中唐改景城郡後仍爲滄州金升臨海軍元復爲滄州領縣五其一清池按清池而外爲樂陵南皮無棣鹽山四縣而世祖紀至元二十五年十二月以滄州軍營城爲滄溟縣則是滄州所領凡六縣矣地理志不載何也又仁宗紀延祐元年五月丁丑徙滄州治於長蘆鎮蓋卽宋

廢長蘆縣也

明史地理志京師河間府條下州二其一滄州洪武初以州清池縣省入注舊治在東南洪武二年五月徙於長蘆卽今治也東濱河西有衛河南有浮河北有長蘆巡檢司領縣三南皮鹽山慶雲按元史紀已載徙州長蘆鎮而明史志又載徙長蘆俱有年月可據疑莫能明州治以爲元順帝至正十八年毛貴陷據滄州官吏自皆復還清池舊治兩史互證可決然近臆斷存以俟考

南皮縣

漢書地理志渤海郡條下縣二十六其一南皮注莽曰迎河亭師古曰闕駟云章武有北皮亭故此云南皮其一高樂

大清一統志高樂故城在縣東南漢置後漢省水經注無棣溝經樂亭北又東經新鄉城北卽地理志高樂故城寰宇記故城在南皮縣東南三十里今謂之思鄉城亦曰西鄉城縣志卽今董鎮村

後漢書郡國志渤海郡八城其一南皮

三國疆域志渤海郡領縣十其一南皮

晉書地理志渤海郡統縣十其一南皮

魏書地形志渤海郡領縣四其一南皮按

大清一統志後漢爲郡治晉魏皆爲郡治

隋書地理志渤海郡統縣十其一南皮

唐書地理志景州上貞元三年析滄州之弓高東
光臨津置長慶元年州廢縣還滄州二年復以弓
高東光臨津景城置太和四年州又廢縣還滄州
景福元年復置縣四其一南皮注上古毛河自臨
津經縣入清池開元十年開有唐昌軍貞元二十
一年置按光緒通志沿革表於唐注初屬觀州州
廢屬滄州新書志既不載觀州廢置而舊書志云

南皮漢縣屬海至隋不改武德四年屬景州貞觀
元年改屬滄州亦不載觀州廢置未知通志所據
何書存以俟考

五代時云周屬滄州見明一統志光緒通志據以
入表

宋書地理志滄州領縣五其一南皮注中熙甯六
年省臨津縣入焉按前志附臨津縣謂漢爲渤海
郡之東光縣地晉及後魏因之東魏分置胡蘇縣
高齊廢一云高齊置後周廢隋復置胡蘇縣與東
光並隸平原郡唐初因之後省入南皮縣爲臨津

鎮

金史地理志滄州縣五其一南皮注置河倉有浮陽水徒駭河

元史地理志滄州條下領縣五其一南皮注下

明史地理志河間府條下領州二其一滄州領縣三其一南皮注州西南衛河在縣西

鹽山縣

漢書地理志渤海郡條下縣二十六其一千童注應劭曰靈帝改曰饒安按縣志今舊縣鎮也前漢屬渤海後漢改爲饒安北魏屬浮陽郡置滄州治

焉唐初移縣治千童故城貞觀中又移故浮水城今新縣鎮也隋析高城置浮水縣後省入鹽山卽高城唐武德元年復析置之後又省入鹽山貞觀三年移饒安縣治此宋熙甯中移治張爲村旋廢爲鎮入清池縣蓋隋以前之饒安千童與高城本屬兩縣自唐貞觀移治浮水宋熙甯省入清池至國朝雍正撥舊縣鎮二十七村莊入鹽山始兼有千童改置饒安之地其一章武按縣志章武辨云漢時章武在今縣境府志據紀要駁云章武城在大城縣卽章武郡治及西章武縣城若浮陽郡章武

縣城卽滄州乾符故城均不在鹽山亦云辯矣惟
攷水經注浮水於浮陽縣界東北逕高城縣之宛
鄉城又東逕章武縣故城又東逕篋山北又東北
逕柳縣故城南柳城在鹽山縣直東距宋治七十
里如乾符距鹽山迤北一百二十里果爲漢章武
縣城浮水旣逕其城不能東北逕柳城南也寰宇
記廢乾符縣在州舊治北一百里本章武縣地不
言城又稱章武故城在乾符東南鹽山西北一統
志謂鹽山西北有章武故城所指方隅皆合是滄
州城正東與鹽山接界處應有漢章武縣城今鹽

山治北四十里舊城西北有村曰故縣村北地尙
名城壑故老謂往昔曾經有城附近十里井五里
鋪似計距城而言其方隅實與寰宇記一統志說
相符當卽漢縣無疑約而論之曹魏時始置章武
郡漢時縣仍存屬之晉泰始元年置章武國又有
西章武縣在今青縣大城境均不與漢時縣城混
也魏氏土地記章武縣東有漢武帝南北二臺相
去六十里通志曰臺在鹽山東北七十里韓村鎮
東三十里此南臺也是今鹽山有章武郡之確證
何得謂章武不在鹽山耶漢時廢於何時史無明

重刊天津府志 卷八 沿革
文攷北魏地形志載滄州浮陽郡章武縣又瀛州
章武郡西章武縣是漢縣晉魏時固在也隋地理
志開皇初罷章武郡置平舒兩章武縣史不再見
十六年置魯城又置浮水竊意是時漢章武縣半
入高城高城北併地較廣故析其西南地置浮水
耳其一柳注侯國按

大清一統志故城在縣東漢元朔四年封齊孝王子
陽已爲侯國屬渤海郡後漢省水經注浮水東北
逕柳縣故城南地理風俗記曰高城縣東北五十
里有柳亭又名柳邱故縣也世謂之辟亭非也寰

宇記故柳城在鹽山縣東七十里縣志在縣東五
十里其一高城注都尉治按寰宇記鹽山縣在滄
州東六十里漢置高城縣故城今縣南四十里
後漢書郡國志渤海郡八城其一高城侯國其一
章武按饒安爲千童改名郡國志不載說詳前
三國疆域志渤海郡條下領縣十其一饒安其一
高城章武國領縣四其一章武

魏書地形志滄州浮陽郡條下領縣四其一饒安
其一高城其一章武

隋書地理志渤海郡條下滄州統縣十其一鹽山

重刊天津府志 卷八 沿革 三
注舊曰高城開皇十六年又置浮水縣十八年改
高城曰鹽山大業初省浮水入焉有鹽山峽山其
一饒安

唐書地理志滄州景城郡條下縣七其一鹽山注
緊武德四年置東鹽州五年以景州之清池并析
鹽山置浮水縣以屬之貞觀元年州廢省浮水以
清池鹽山來屬有鹽其一饒安

宋史地理志滄州上景城郡條下縣五其一鹽山
注緊其一清池按饒安自唐移置浮水宋省入清
池

金史地理志滄州條下縣五其一清池其一鹽山
注有鹽山浮水鎮四注海豐海潤後增利豐擋頭
二鎮

元史地理志滄州條下領縣五其一清池注中其
一鹽山注下

明史地理志河間府條下領州二其一滄州洪武
初以州清池縣省入領縣三其一鹽山注州東南
東濱海產鹽東南有鹽山

慶雲縣

漢書地理志渤海郡條下縣二十六其一陽信按

重刊天津府志 卷八 沿革
光緒通志沿革表注太平寰宇記滄州無棣東南三十里陽信故城尙存高齊天保七年自此移於陽信據此則漢陽信縣當在今慶雲縣界元和郡縣志於無棣縣亦云在漢爲陽信縣也

後漢書郡國志渤海郡條下八城其一陽信

三國疆域志渤海郡章武郡不載陽信光緒通志沿革表於魏注陽信縣地不詳所出何書今從之
晉書地理志樂陵國漢置統縣五其一陽信

魏書地形志樂陵郡注晉爲國後改領縣四其一陽信注二漢屬渤海晉屬治陽信城有鹽山神祠

隋書地理志渤海郡條下統縣十其一陽信注帶郡其一無棣注開皇六年置漢元和郡縣志於無棣縣云隋開皇六年割陽信饒安置無棣縣以南臨無棣溝因以爲名屬滄

唐書地理志滄州景城郡條下縣七其一無棣注上貞觀元年省入陽信八年復置太和二年隸棣州尋來屬有無棣溝通海隋末廢永徽元年刺史薛大鼎開

宋史地理志滄州條下領縣五其一無棣注望泊平中徙無棣縣治保順軍卽縣治置軍使隸州又

保順軍注周置軍於無棣縣南三十里開寶三年
又以滄棣二州界保順吳橋二鎮之地益焉仍隸
滄州

金史地理志滄州條下縣五其一無棣注有老烏
山鬲津河

元史地理志滄州條下領五縣其一無棣注下至
元二年併入樂陵縣以縣治入濟南之棣州尋復
置濟南路棣州上唐置宋金因之元初濱棣自爲
一道至元二年與濱州俱隸濟南路領四縣其一
無棣注下宋金屬滄州元初割無棣之半屬滄州

半以來屬按前志據唐宋志陽信隸棣州無棣隸
滄州據元志割滄州無棣縣之半置縣亦曰無棣
與陽信俱屬棣州則元之陽信當仍是唐宋舊城
其滄州之無棣則今之慶雲棣州之無棣則今之
海豐也

大清一統志元初分兩界於故城置縣仍屬滄州齊
乘謂之西無棣

明史地理志河間府條下滄州領縣三其一慶雲
注州東南洪武六年六月析山東樂陵州北地置
來屬按明史稿永樂元年避御諱改滄州之無棣

縣曰慶雲慶雲舊志無棣舊有慶雲鄉明初因以名縣永樂避諱之說後人附會今以明史正之蓋

明史故以置縣屬洪武六年不言初名無棣也

蔡啟盛案慶雲成化間碑記亦言洪武中改爾時相去未遠應得其實可證地理志注與縣志之是凡新通志沿明史稿之誤及前志沿舊通志而以縣志之不誤為誤者皆見矣惟記文仍言改為蓋樂陵之北地先係無棣縣併入則洪武六年析出復置本宜仍名因其不祥而改在太祖卽可有是事時分封未久也又案以上表說多取新通志視前志間有出入但稱引諸書大同且難盡為復載故僅附舊表於後庶異同尙可考見而於初稿則一字不易也

天津府天津縣靜海縣青縣 滄州 南皮縣鹽山縣慶雲縣

冀州 兗州

以下至 宋同青

夏

周

春秋

秦

漢前

漢後

晉

幽州

兗州

燕國

齊國

上谷郡

幽州

漁陽郡

勃海郡

幽州

漁陽郡

冀州

勃海郡

幽州

燕國

冀州

勃海郡

章武國

樂陵國

縣

泉州縣

參戶縣

泉州縣

章武縣

泉州縣

勃海郡

治浮陽

縣統縣

二十六

勃海郡

治南皮

南皮縣

南皮縣

東光縣

南皮縣

勃海郡

治東光

縣

高城縣

高城縣

侯陽信縣

南皮縣

高城縣

陽信縣

後魏

幽州 雍奴縣
漁陽郡 章武縣
冀州 滄州
勃海郡
浮陽郡
樂陵郡
安德郡

雍奴縣
滄州領南皮縣
高城縣
陽信縣
十二縣
饒安浮
陽郡領
縣四治
浮陽郡
海郡領
縣四治
南皮

隋

冀州 雍奴縣
涿郡 魯城縣
河間郡 勃海郡
兗州 長蘆縣
勃海郡
平原郡
河北道 武清縣
幽州 乾符縣
陽州 滄州景
滄州 景城郡

雍奴縣
勃海郡
南皮縣
東光縣
鹽山縣
無棣縣

唐

武清縣
滄州景
南皮縣
鹽山縣
無棣縣
乾甯軍
長蘆縣
清池領
臨津縣

宋

城郡 乾甯軍
乾甯軍 長蘆縣
景州

燕山府 武清縣
清州 窩
清州治 滄州景
南皮縣
鹽山縣
無棣縣
燕山路 清池縣
子口
乾甯縣 海軍治
縣入為
領縣一 清池領
鎮

金

中都路 武清縣
靖海縣
清州治 滄州治
南皮縣
鹽山縣
無棣縣
大興府 清池縣
會川領 清池領
縣三 縣五
興濟縣

元

大都路 武清縣
靖海縣
清州治 滄州治
南皮縣
鹽山縣
無棣縣
朔州 海津鎮
會川領 清池領
縣三 縣五
興濟縣

明

滄州	順天府	天津衛	靜海縣	青縣	滄州治	南皮縣	鹽山縣	慶雲縣
天津衛	武清縣	滄州	靜海縣	會川入	長蘆領			
				焉	縣三			

卷八終

重修天津府志卷九

表二

歷朝封建

按府境在三代時分屬燕齊趙國至秦漢之際項羽封陳餘以南皮三縣為侯始有專名餘旋怒而不受封建一門爰自漢始然晉代以降特取其名不盡實食邑封也

代朝

爵名	功狀	二世	三世	四世	五世	屬地
----	----	----	----	----	----	----

六世

漢陽信侯

漢書功臣表
高祖十三年
中意十五年
為郎以典客十四年
奪呂祿印閉景六年
有殿門止產等罪免
共立皇帝侯
二千石

劉揭

太平寰宇
記滄州無
棗縣東南
三十里陽
信故城尚
存高齊天
保七年自
此移於陽

侯劉梁

子始元六年六月封按此

按孝宣表名諸士

在鹽山縣東

高樂侯

漢書王子侯表元始元年

方輿紀要

劉修

二月以東平思王孫封八年

高樂漢縣屬渤海郡在南皮縣

中邑貞

漢書功臣表卓孝文後二以執矛從入中

大清一統志中邑

侯朱進

漢以中尉破後三年曹咎用呂相有罪免

漢屬渤海郡在天津府滄州界

通

按史記表侯六百戶高

作真侯朱后四年四月封二十二年

韓師古曰為

呂王之相也

章武景

外戚恩澤表以皇太

定孝景七年

常生元光

方輿紀要

侯竇廣

后弟侯萬八年

按史記元年

狩元

屬渤海郡在順天府

德

按史文後七年

作六月封七完

年坐謀殺人未殺免

大城縣南按章武

廣

國

按史記表名常坐新

州界

南皮侯

外戚恩澤表以皇太

良孝武建元六年

桑林元光

方輿紀要

竇彭祖

后兄子侯嗣五年

孝文後七薨諡夷

元鼎五年

屬渤海郡今南皮縣

年六月封

坐耐

東北八里有故城

平津獻 外戚恩澤表 度 元狩三

侯公孫 以丞相詔所 年嗣十

弘 褒侯三百七 三年封四

三年十一月 陽太守詔 徵鉅野令 史成不遣 完為城且 史記表 名慶

合騎侯 功臣表以護 軍都尉三從

公孫敖 大將軍擊匈 奴至右王庭

得王侯元朔 六年益封共 九千五百戶 以元朔五年 四月封至元 狩二年坐將

方輿紀要 滄州鹽山 縣有平 津鄉

方輿紀要 鹽山縣有 合騎 城

荻苴侯 漢書功臣表 以朝鮮相將

韓陶 史兵漢圍之降 侯五百四十

表名 戶元封三年 四月封延和

陰 二年薨終 身不得嗣

高樂節 漢書外戚 恩澤表以

侯師丹 大司馬關 內侯侯二

兵擊匈奴與 驃騎將軍期 後思儒當 斬贖罪

方輿紀要 荻苴城在 慶雲 縣東

見上

千三十六 戶綏和二 年七月封 一年建平

元年坐泄漏免

章鄉侯 外戚恩澤表以中郎

謝殷 將與王暉同功侯元

始五年閏月封

後漢書章帝 入王傳千乘

後漢書王 貞王仇孫本

初元五月 改封渤海王

立二十六年 薨無子

參戶亭 後漢書任城 孝王傳河閒

侯劉博 孝王子延熹 元年封四年

大清一

統志章鄉

漢置屬渤

海郡在天

津府滄

州東南

方輿紀要

南皮縣後

漢為渤

海郡治

見上

晉

紹封任 城王

浮陽侯 後漢書劉植 傳歆植從兄

劉歆 與植同迎世 祖封列侯建

武二年徙 封浮陽

晉書宗室傳 武帝受禪封

渤海王 邑五千三百 七十九戶後

徙太原

南皮伯 晉書宣五王 傳字子將宣

司馬伯 帝子五等初 建封南皮伯

武帝踐阼改 東莞郡王

弘徙封 中邱錄

方輿紀要 浮陽漢縣 屬渤海郡 今滄州治

見上

見上

北章武王
魏元彬

魏書景穆十
二王傳皇興
融字永興
世宗初
景哲
襲齊
受禪

二年追贈子襲爵討賊例
太洛為章武帥鮮于修降
郡王無子高禮為葛榮
祖以南安惠所殺肅宗
王子彬襲爵追諡

太和二十三莊
卒年

魏書地形
志章武屬
浮陽郡按
故城在今
滄州
東北

浮陽王

魏書獻文
六王傳字

元剛

金明莊帝
初封邑千

戶齊受
禪例降

浮陽郡

周書本傳
雲中人以

公獨孤

從魏孝武
入關功進

魏書地形
志浮陽郡
屬滄州按
故城在今
滄州
東南
見上

信

爵邑一千
戶周時為

晉公護所
害隋文帝

以外戚追
封趙國公

邑一萬
戶謚景

章武郡

北齊書高
祖十一王

公高洸

傳神武第
八子元象

中封天保
初改封襄

城郡

渤海公

北史西魏
文帝紀大

高仲密

統九
年封

見上

見上

章武郡

周書邵惠公顯傳顯

公字文

魏文帝即位以定策

導

功封饒陽

縣公後平

青雀等之

亂進爵增

邑至二千

戶薨

諡孝

高城侯

史刁靡傳宣字季

刁宣

達以功封卒諡武

高城侯

魏書裴叔業傳字休光河

武襄齊受禪例降

見上

魏書地形志高城屬浮陽郡按故城在今鹽山縣東南見上

裴焜

東閩喜人肅宗初以貸封

城平縣伯元

父納其金帛

改封侯增邑

至一千戶孝

昌三年遇害

諡簡

章武伯

魏書本傳字叔倫范

陽涿人莊

帝時以功

封邑四百

戶永熙初

薨諡

孝穆

章武伯

北史擲頭

河南洛陽

裴儁

人孝武時封

薨諡文定

裴嗣

見上

見上

重刊天津府志

浮陽伯 魏書源賀 傳以力戰 受禪 齊襲

源延伯 先鋒陷陣 進爵增封 例降

百戶後與 葛榮戰歿

章武縣 周書本傳 字長舒天

伯趙昶 水南安人 魏大統初 以戰功封 邑五百戶 後進長 道郡公

浮陽子 魏書高允 傳字叔民 矯襲 卒

高濟 真君中賜 爵卒諡宣

南皮子 魏書高祐 傳祐父從

師字則 和仁德 字 舒襲 卒

魏書地形 志南皮屬

見上

見上

見上

魏書地形 志南皮屬

高讜 世祖滅赫 連昌以功 賜爵後假 舊縣侯卒

章武男 魏書韓麟 麟傳麒麟 子顯宗之 子襲父贈 爵

韓武華

北齊書本傳 善無入魏封 廣平郡公 天襲齊亡 保初以元勳入周 佐命進封 襲諡景烈

齊王庫狄 千

北齊書本傳 善無入魏封 廣平郡公 天襲齊亡 保初以元勳入周 佐命進封 襲諡景烈

高城縣 北齊書斛 律金傳金

侯斛律 子字豐樂 天統四年

渤海郡按 故城即今 治縣

見上

見上

見上

重修天津府志

卷九

光緒戊戌

羨 封進爵荆山郡王

周浮陽郡 周書本傳字僧慶河南洛陽人孝閔時

公趙剛 進爵卒謚成按前志以復東荆州功封

隋浮陽郡 隋書李衍傳衍子以父功賜爵

公李仲 改襲封其鄉

威 鄉

南皮伯 唐書宰相世系表隋

韋瓚 封時

金滄州公 金史本傳本河北義

元卿 世弘

見上

見上

見上

金史地理志滄州屬

河北東路按故城在東南

王福

軍興定四年由滄州

經略使封以清滄觀

州鹽山無棣樂陵東

光甯津吳橋將陵阜

城舊縣隸焉

明慶雲王

明史諸王載肇康僖世表徽簡載肇嫡一

朱厚燦

王祐檣庶子嘉靖二十四年封十封三十七

五年薨謚年薨謚莊

靖海侯

明史本傳忠洪武十七年定遠人功忠七年五

重修天津府志

卷九

九

明史地理志洪武六年六月析山東樂安州北地按即唐宋棣縣地明史地理志靜海元緒戊戌

吳禎

臣世表洪月襲二十
武三年十三年追論
一月封祿禎胡黨
一千五百死除

曰靖海洪
武初更名
屬河
閒府

慶雲侯

石加祿千
卒贈海國
公諡襄毅

見上

周壽

明史周能
傳能子昌
平人外戚已卯襲後
恩澤侯表以例除
成化三年
十一月乙
亥封伯四
年子世襲
十七年十
二月進封
侯宏治元
年加祿百

興濟伯

石正德四
年二月卒
贈宣國公
諡泰和

明史本傳
字思敬大
興人功臣丁酉
世表天順襲

楊善

元年正月
丙戌封祿
千二百石
世襲二年
五月卒追
封侯諡忠
敏

明史地理
志興濟屬
河閒府按
故城在今
青縣南

蔡啟盛案此表刺取新通志既不免有漏大失尤在棄置前志弗顧不思其中闕入東光雖確應刪餘則率非無因惟恨其不注所出粹難覈補入表故除已見與應刪之外照錄如左

漢 成平侯禮 河間獻王子索隱云在南皮

蔡啟盛案此史記作成平據漢書作平城但既有索隱明文雖新通志輕信地理志集釋云在獻縣安可從乎

渤海王悝 千乘王鴻生質帝梁太后詔以樂安卑溼租稅鮮薄改鴻封渤海王立二十六年薨是為孝王無子太后立桓帝弟蠡吾侯悝為渤海王奉鴻嗣

渤海參戶侯恭 河間孝王子章帝時封

陽信侯呂青 高祖功臣五年封傳臣義 它

善

重合侯馬通 功臣表以侍郎嚴兵擊反者延和

二年封四千八百七十戶

晉

渤海殤王恢 武帝子早薨無後

重合侯符謨

後魏

渤海王恕 節憫王太子孝武帝改封沛郡王

章武侯封懿 渤海穆人道武時封傳玄之 回

隆之 纂

南皮侯高祐 允從祖弟以從滅夏功封南皮子

後進爵侯傳和璧 顥 德政 齊時以佐命封藍田公後為文宣所

殺王臣

樂成侯高翼 孝宣末拜渤海太守封樂成侯傳

乾 孝武時以預定策功進封長樂郡公 呂兒

渤海郡公高琨 襲封渤海卒贈都督五州諸軍

事

隋

渤海郡公高頴 文帝時封

唐

渤海定王奉慈 隴西幕王博父弟武德初封

渤海王博慈 世祖之孫武德初封

渤海郡王祚榮 中宗時封

渤海男歐陽詢 貞觀初以文臣封

渤海郡公高元裕 元和中封

渤海郡王高崇文 以功封

南皮郡公袁恕已 東光人以誅二張功累封

渤海郡王高固 德宗以曳車塞門功陞

渤海子歐陽通 儀鳳中封

渤海子柳慶休 以子惟深宜城開國伯封

渤海侯高適 廣德元年封傳詳人物

後梁

渤海郡王高萬興 太祖開平間以武功封

渤海王高季昌 太祖乾化三年以武功封

渤海王高季興 梁均王貞明年間由荆南節度

使封

後唐

渤海王高從誨 季興子明宗長興三年以武功

封

宋

景城郡王宗祐 紹聖二年哲宗以宗祐為景城

郡王

渤海郡王高懷德 太平興國四年封

渤海郡公吳育 仁宗天聖中以尚書左丞留守

西京有功封食邑二千八百戶實封八百戶

金

高陽公張甫 賜姓完顏氏興定四年封以雄鄭

等州靜海等縣隸焉元光元年甫復河間府捷報

達上上以道途梗塞報者艱虞命厚賞之以功進

金紫光祿大夫

元

渤海郡侯呂恭禮

兵部尙書卒贈渤海郡侯諡

正肅



卷九終



70000403

